



Este 5 de marzo tivo lugar en Rivas-Vaciamadrid a asemblea da **"Red de Entidades Locales por el Compostaje Doméstico y Comunitario"**

COMPOSTA EN RED

. Trátase dunha coordinadora de entidades locais de todo o estado que desenvolven experiencias de

compostaxe doméstica e comunitaria

. Xurde para dar pulo e fomentar a compostaxe doméstica e comunitaria, dado o seu importante papel na redución dos residuos orgánicos. Nos últimos anos proliferaron numerosas experiencias locais que están a contribuir á

redución en orixe

dos residuos orgánicos

e xerar un

compost de calidade

que a cidadanía aproveita directamente.

"Composta en Red" nace pois da necesidade de dotar de unha maior **conexión e coordinación** entre os distintos proxectos de compostaxe domestica e comunitaria para así conquistar a consolidación definitiva deste sistema de xestión dos residuos urbanos.

Dende ADEGA levamos un longo percorrido na promoción de este tipo de xestión da materia orgánica achegando o programa de

compostaxe domestica

a

medio cento

de concellos da Galiza. Por iso, consideramos acaído asistir a esta xornada informativa dentro da asemblea para coñecer os proxectos que están levando a cabo e intercambiar experiencias cos demais integrantes, e xa que logo, facer parte desta rede de entidades locais pola compostaxe domestica e comunitaria.

Dende ADEGA acreditamos na utilidade do

traballo en rede

a todos os niveis, aínda que o noso ámbito de actuación sexa Galiza: sempre é arrequecedor coñecer e ter contacto con outras entidades que traballan na mesma liña, caso da compostaxe doméstica, o Proxecto Ríos ou as iniciativas de custodia do territorio, entre outras, programas en rede nos que ADEGA participa a nivel galego, estatal e internacional.

Máis información:

María R. Lafuente, responsábel dos programas de Compostaxe Caseira de ADEGA

marialafuente@adega.gal

628 378804/ 981 570099